

Invit da jí a lité:

Les sezziuns da podèi jí a lité le consèi provinzial é incö, ai 22 d'otober 2023, davertes dales 7.00 ales 21.00. Recordésse da ves tó do la cherta da lité.

La doturia Grete Mahlknecht é demez dai 23 cina ai 31 d'otober y vëgn sostituida dai 23 ai 27 d'otober dal dotur Agreiter 333 13 80 852 y dai 30 ai 31 d'otober dala doturia Mattioni Lodovica 328 85 90 842.

Al pó gní fat la vaccinaziun cuntra les coies ti ambuladors di doturs de ciasa.

PLOANIES SAN MARTIN Y LUNGIARÜ

Incö domènia, ai 22 d'otober, dales 10.00, sona dala Gran Mëssa a San Martin la Musiga por rengraziamënt dla Uniun dla Musiga en gaujiun de 30 agn de ativité dl dirighënt Sepl Pezzei.

Incö domènia, ai 22 d'otober: Concluiun dl'Edema dla Fede:
Prozesciun sö Oies dales 15.15 dala dljia de Badia demez y Mëssa sö Oies.

SAN MARTIN

I jogh da San Martin vënn en domènia, ai 29 d'otober, do mëssa dan dljia ciandères por Gnissant.

LUNGIARÜ

Le Cor de Dljia tègn ince en chësc ann le marcé en Santa Lizia. Porchël präiel dër bel la jënt da arjigné ca val' patüc da vëne. Präibel y damperfora bel dilan!

Ciasa de Palsa/Volontariat: Le volontariat á na gran importanza tla vita sozuala y insciö ince tla vita dla Ciasa de Palsa da San Martin. Tröpes porsones se mët a desposiziun da gní a daidé fora de süa buna te laurs desvalis y ti dedichëia insciö na pert de so tēmp al proscim.

Por i voluntars atuai y ince por te, sce te t'as fat n iade n pinsier da surantó n te sorvisc tla Ciasa de Palsa mo t'ás ciamó debojēgn de val' informaziun, vëgnel metü a jí n domisdé de (in)formaziun, en vëndres, ai 27 d'otober, dales 15.00, tl bar dla Ciasa de Palsa.

Referēntes é Denise Palla, responsabla dl sorvisc dles ativités dl tēmp lēde, y Brigitte Pizzinini, porsona de referimēt por i voluntars. I essun dër ion sc'i podessun Ves saludé en tröc/tröpes.

Invit al Curs de ultim aiüt - Savèi coch'an pó daidé canch'ara vá cuntra la fin. "Das kleine 1x1 der Sterbebegleitung." Al vëgn dé informaziuns y consèis por le guern y l'acompagnamēt de porsones amarades che é da morí a La Plí tla Ciasa dles Uniuns en vëndres, ai 27 d'otober, dales 18.00.



unitepastorala.org

Plata dles Ploanies San Martin y Lungiarü



ploan siur Klaus Sottsas 344 15 54 055 - klsottsas@rolmail.net
curat siur Heinrich Perathoner 339 65 74 213
redaziun: anton.gasser@rolmail.net - 348 27 44 517 / 0474 523 194

22.10. - 29.10.23 n. 48

ultimo termo por comunicaziuns: jöbia, dales 20.00

29^a Domènia ia por l'ann A

Vangele do san Matí 22,15-21

Te chël tēmp s'á induné i farisês y á fat fora de ti mēte cun na domanda na tēnora a Gejü. Insciö ài metü sü discepui, deboriada cun chi che é söla pert de Eròdes, da jí da d'ël y da ti di: Maester, i savun che tö dijēs dagnora la verité y che te insēgnes veramēter le tru de Dî, zēnza ti mēte averda a zaca; deache tö ne cíares nia söla porsona. Disse comà: Él conzedü de ti paié la cuta al imparadü, o no? Mo Gejü á conesciü süa marizia y á dit: Os falzuns, cíodí orēise pa m'abiné te tēnora? Mostrédeme la monēda, cun chëra ch'i paiēis oster cutes! Y ai ti à tignì ia n denar. Al i à damanè: De chē é pa chësc retrat y l'iscriziun? Ai à respognü: Dl imparadü. Sön chëra ti àl dit: Dedi spo al imparadü, cí che é dl imparadü, y a Dî, cí che é de Dî!



N Vangele interessant por la domènia dles lites!

Gejü n'orò dessigü nia desfarenzié tan radicalmēter danter la fede y le stat. La fede dess zēnzater ince gní realisada tla vita politica y statale.

Insciö ti scrí le profet Ieremia ai porjuniers de Babilon: "Désse da fá por le bëgn dla cité te chëra che iö ves á condüt y periede le Signur por era. Deache te so bëgnsté stá ince osc bëgnsté."

Y tla pröma lëtra a Timoteus scrí san Paul: "Dantadöt te ejortēii da porté dant oraziuns y supliches, invocaziuns y rengraziamēnc por dōta la jënt, por i regnanc y por düc chi che á potesté tles mans, por ch'i podunse, cun dōta la dediziun y l'onesté, vire tla pesc y cun tria."

Sciöche cristian/a mēti sambēgn Chël Bel Dî al pröm post, che me dá sö n compit da realisé ince tla vita sozuala y politica olach'i viri.

EDEMA - ANN "A"	SAN MARTIN	LUNGIARÜ	
22.10.23 29^a Domènia dl ann A <i>Domènia dles Misciuns</i> <i>cun oferta</i> Conclujiun dl'Edema dla Fede	9.30 Corona d'otober 10.00 Gran Mëssa por la Comunité <i>(cun siur Pire Daprè)</i> de dilan por la Uniun dla Musiga dl ann + Cristina Verginer Conrater + Carlo Moling (dl ann) + + proi y miscionars defunc Oferta por les Misciuns	7.50 Corona d'otober 8.15 Mëssa por la comunité dl ann + Nisio Clara, Paur de rengr. fam. Marino Mischi y vis y def. fam. Pescollderungg Oferta por les Misciuns 11.30 Bato de Anna Moling de Benno y Maria	<i>Dal messaje de Papa Francësch</i> <i>por le De Mondial dles Misciuns</i> <i>di 22 d'otober 2023</i> Vari che se möi tla ligrèza da cunté de Crist ressorí. Na Dlijia dagnora jona che vá alaleria. Do ch'ai â daurí i edli y â conesciü Gejú dal "rumpí le pan", êsi piá ia y ê jüs derevers a Ierusalem. (<i>Lüca 24,33</i>) Chësc jí deboriada a partí cun d'atri la ligrèza dl'incuntada cun Gejú desmostra: La ligrèza dl Vangele implësc le cör y döta la vita de chi che incunta Gejú. Chi che se lascia salvé da d'ël é delibrá dal picé, dala tristèza, dal öt daite y dala surité. Cun Gejú Crist vëgnel tres - y tres danü - la ligrèza". (<i>Evangelii Gaudium</i>) Ara ne vá nia da incunté Gejú ressorí zënza ester animá dal dejier, da ti cunté de chësc a düc. La fundamënta plü importa por les Misciuns é porchël les porsones che á conesciü Crist ressorí tla Sacra Scritöra y t'l'Eucaristia y che porta so fuch tl cör y süa löm ti edli. Insciö éres bunes da dé testimonianza dla vita che ne se röia mai, gnanca tles situaziuns plü ries y ti momënc plü scürs.
23.10.23 <i>Jan da Capestrano</i> Lönesc			
24.10.23 Dedolönesc <i>Antone M. Claret, Martin</i>	8.00 Mëssa por les families de Lena Ferdigg vis y def. fam. Ida Aiarei + Ida Dariz		
25.10.23 Dedemesaledema <i>Crisant y Daria, Crispin</i>	18.00 Corona d'otober	7.45 Mëssa di Scolars de rengr. fam. Stefo Moling + Luca Schuen + Nando Clara dedô Corona d'otober	
26.10.23 <i>Amandus, Aurel</i> Jöbia			
27.10.23 <i>Colman, Antonia</i> Vëndres	18.30 Adoraziun chîta 19.00 Adoraziun deboriada		
28.10.23 Sabeda <i>Scimun y Iüda T. apostui, Alfred</i>	18.30 Mëssa prefestia + Lidvina Costa, Peca vis y def. fam. Trebo, Pension Tor		
29.10.23 30^a Domènia dl ann A Ora da d'invern	9.30 Corona d'otober 10.00 Liturgia dla Parora	7.50 Corona d'otober 8.15 Mëssa por la comunité de rengr. por les fam. de Sepl Clara dl ann + Giovanni Costa dl ann + Lidvina Costa + + Rudi y Monica Moling	